



KEMENTERIAN PERDAGANGAN DALAM NEGERI
DAN HAL EHWA PENGUNA

KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

22 MAC 2022 (SELASA)



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE (KPDNHEP)

22 MAC 2022 (SELASA)

Empat premis jual barang tiruan diserbu

Kuala Lumpur: Empat premis di Jalan Bukit Bintang dan Jalan Kenanga di sini, yang menjual barang berjenama tiruan diserbu Kementerian Perdagangan Dalam Negeri dan Hal Ehwal Pengguna (KPDNHEP) Kuala Lumpur pada Khamis lalu.

Ketua Pegawai Penguat Kuasa Negeri KPDNHEP Kuala Lumpur Nurul Syarina Md Anuar berkata, empat premis yang diserbu berkenaan membabitkan dua peruncit serta dua pemborong.

Menurutnya, serbuan itu dilakukan bersama wakil pemilik cap dagangan hasil risikan dilakukan selama satu minggu di keempat-empat premis itu.

"Hasil pemeriksaan yang dilakukan di empat premis berkenaan, kami menyita sebanyak 626 barangan disyaki tiruan membabitkan beg, dompet, kasut, pakaian dan tali pinggang berjenama yang dipakaikan cap dagangan secara salah di bawah Akta Cap Dagangan 2019.

"Jumlah sitaan barangan di keempat-empat premis itu dianggarkan bernilai RM10,000," katanya.

Nurul Syarina berkata, sebuah premis pemborong juga didapati menjual barangan tiruan secara dalam talian kepada pelanggan di seluruh negara termasuk Sabah dan Sarawak.

"Dalam operasi ini, kami turut menahan dua wanita termasuk seorang warga Indonesia yang juga pekerja di premis berkenaan untuk

siasatan lanjut mengikut Akta Cap Dagangan 2019.

"Berdasarkan statistik kes harta intelek, sebanyak 23 kes dilaporkan membabitkan Akta Cap Dagangan 2019 dan Akta Hak Cipta 1987 bagi tempoh 1 Januari lalu hingga semalam.

"Ia membabitkan sebanyak 25,000 barangan dianggarkan bernilai RM870,000, manakala enam individu ditahan berkaitan harta intelek menerusi Ops Jeriji 3.0 bagi tempoh sama," katanya.

Beliau berkata, pihaknya akan terus mempergiatkan aktiviti penguatkuasaan undang-undang harta intelek mengikut Akta Cap Dagangan 2019, Akta Perihal Dagangan 2011 dan Akta Hak Cipta 1987.

"Ia bertujuan bagi membanteras penjualan barangan tiruan dengan kerjasama wakil pemilik cap dagangan berdaftar di negara ini terutama menjelang perayaan Aidilfitri yang lazim dengan penawaran pelbagai barang keperluan dan pakaian.

"Sempena sambutan Bulan Pengguna Kebangsaan (BPK) 2022, orang ramai diminta lebih berhati-hati dalam urusan niaga dalam talian terutamanya membabitkan barang tiruan berjenama.

"Pada masa sama, jangan bersubahat dengan membeli barangan tiruan berjenama daripada peniaga tidak bertanggungjawab. Tanggungjawab melindungi hak harta intelek adalah tanggungjawab bersama," katanya.



ANGGOTA penguat kuasa KPDNHEP Kuala Lumpur membuat pemeriksaan terhadap barang tiruan berjenama di empat premis di Jalan Bukit Bintang dan Jalan Kenanga.

Bincang ambil alih urus royalti

Kementerian Komunikasi dan Multimedia (K-KOMM) sedang berbincang untuk mengambil alih aspek pengurusan royalti dan kebajikan artis nyanyian daripada Kementerian Perdagangan Dalam Negeri dan Hal Ehwal Pengguna (KPDNHEP).

Timbalan Menteri Komunikasi dan Multimedia, Datuk Zahidi Zainul Abidin, berkata ketika ini K-KOMM hanya bertanggungjawab menguruskan kebajikan bagi individu yang terbabit dalam industri perfileman dan drama.

Katanya, susulan pertelingkahan dalam kalangan persatuan membabitkan artis nyanyian mengenai isu royalti sebelum ini, K-KOMM berhasrat mengambil alih pengurusan berkaitan isu itu bagi memastikan kebajikan semua anak seni terbela.

"Sekarang K-KOMM hanya uruskan artis bukan penyanyi, kerana penyanyi diuruskan KPDNHEP, sama ada membabitkan royalti dan sebagainya," katanya.

Senarai Harga Barang Keperluan	
• Ayam RM7.99	• Telur Gred A RM12.45
• Daging Lembu Tempatan RM42.99	• Ikan Kembung RM13.99
• Daging Lembu Import RM28	• Minyak Masak RM6.35
• Gula Pasir RM2.85	• Cili Merah RM11.99
• Bawang Besar Holland RM2.49	• Kubis Bulat Tempatan RM2.79
• Bawang Putih RM5.50	• Tepung Gandum RM2.20

*Harga (RM/kg) Sumber: KPDNHEP